

書名 唐詩品彙九十卷拾遺十卷 嘉靖十六年序刊本  
 撰者 明 高棟 輯  
 卷 卷三十三  
 內容分類 集-總集-各代-唐  
 索書號 集部-總集-35  
 編號 D7841100

# 卷三十三

彩色首頁1

[東洋文化研究所漢籍目錄 編號: D7841100](#)

[東洋文化研究所漢籍目錄所藏漢籍善本全文影像資料庫 索書號: 集部-總集-35](#)

[漢籍善本全文影像資料庫文本唐詩品彙九十卷拾遺十卷 嘉靖十六年序刊本](#)

[版權所有: 東京大學 東洋文化研究所](#)

[使用上的注意事項](#)

唐詩品彙拾遺卷之一

言古詩上

太宗皇帝 五首

帝京篇 三首

日雙闕昏迴輿九重暮長煙散初暝皎月澄輕素  
 晁說琴書開軒引雲霧斜漢耿層閣清風搖玉樹

二

臨樂館眺聽歡芳節急管韻朱絃清歌凝白雪  
 蕭來儀玄鶴紛成列去茲鄭衛聲雅音方可悅

三

新寧高棟編



唐詩品彙卷之三十三

七言古詩

接武下

李嘉祐四首

雜興

花間昔日苗鵲轉妾向青樓已生怨花落黃鸝不復  
來妾老君心亦應變君心比妾心妾意舊來深一別  
十年無尺素歸時莫贈路傍金

江上曲

江心澹澹芙蓉花江口蛾眉獨浣紗可怜應是陽臺  
女坐對鷺鷥嬌不語掩面羞看北地人回身忽作空

山雨蒼梧秋色不堪論千歲依依帝子魂君看峯上  
斑斑竹盡是湘妃泣淚痕

古興

十五小家女雙鬟人不如蛾眉暫一見可直千金餘  
自從得向蓬萊裏出入金輿乘玉趾梧桐樹上春鴉  
鳴曉伴君王猶未起莫道君恩長不休婕妤團扇苦  
悲秋君看魏帝鄴都裏唯有銅臺漳水流

傷吳中

館娃宮中春已歸盍問城頭鶯已飛復見花開人又  
老橫塘寂寂柳依依憶昔吳王在宮闈館娃嘗眼看  
花發舞袖朝朝陌上春歌聲夜怨江邊月古來人事

亦猶今莫厭清觴與綠琴獨向西山聊一咲白雲芳  
草自知心

韋應物四首

橫塘行

妾家住橫塘夫婿邳家郎王盤的歷矢白魚湘簾玲  
瓏透象牀象牀可寢魚可食不知郎意何南北岸上  
種蓮豈得生池中種槿豈得成丈夫一去花落對妾  
獨長夜心未平

劉云却是怨意

雜言送黎六郎

水壺見底未為清少年如玉有詩名聞話嵩峯多禪  
寺不嫌黃綬向陽城朱門嚴訓朝辭去騎出東郊滿

飛絮河南庭下拜府君陽城歸路山氛氲山氛氲長  
不見釣臺水綠荷已生少姨廟寒花始徧縣閑吏傲  
與塵隔移竹疏泉常岸情莫言去作折腰官豈似長  
安折腰客

送楮校書歸舊山歌

握珠不返泉匣王不歸山明時重士亦如此忽惟楮  
生何得還方稱羽獵賦未拜蘭臺職漢篋亡書已暗  
傳嵩丘遺簡還能識朝朝待詔青鑰闈中有萬年之  
對蓬萊池世人仰望棲此地生獨徘徊意何為故山  
可往薇可採一自人間星歲改箴書壁上苔半侵洗  
藥泉中月還在春風飲餞灞陵原莫厭歸來朝市喧  
當星不見東方朔避世從容金馬門

聽鶯曲

東方欲曙花冥冥劉云望而知啼鶯相喚亦可聽乍  
為本色人也去乍來時近遠纔聞南陌又東城忽往上林翻下苑  
綿綿蠻蠻如有情欲轉不轉意自嬌羞兒弄笛曲未  
調前聲後聲不相及秦女學箏指猶澁須臾風煖朝  
日曷流音變作百鳥喧誰家懶婦驚殘夢何處愁人  
憶故園伯勞飛過聲局促戴勝下時桑田綠不及流  
鶯日日啼花間能使萬家春意闌有時斷續聽不了  
飛去花枝猶裊裊還栖碧樹鎖千門春漏方殘一  
曉

皇甫冉 三首

澧水送鄭豐鄆縣讀書

麥秋中夏涼風起。送君西郊及澧水。孤烟遠對動離心。隔岫江流若千里。早年江海謝浮名。此去雲山慙爾情。上古金經皆在口。秦人如見濟南生。

雜言月洲歌送趙冽還襄陽

漢之廣矣中有洲洲如月兮水環流。流聒聒兮湍與瀨。草青青兮春復秋。苦竹林香楓樹樵子眾師幾家。住萬山飛雨一川來。巴客歸船傍洲去。歸人不可遲。芳杜滿洲時無限。風烟皆自悲莫辭。貧賤阻心期。家住洲頭定近遠。朝泛輕橈暮當返。不能隨爾臥芳洲。

自念天機一何淺

江草歌送盧判官

江皋兮春早。江上兮芳草。雜蘼蕪兮杜蘅。作叢秀兮復羅生。被遙隰兮經長行。雨中深兮烟中淺。目眇眇兮增愁步。遲遲兮堪蹇。澧之浦兮湘之濱。思夫君兮送美人。吳州曲兮楚鄉路。遠孤城兮依獨戍。新月能分裊露時。夕陽照見連天處。問君行邁終何之。淹泊汜洄風日遲。處處汀洲有芳草。王孫詎肯念歸期。

郎士元 二首

塞下曲

寶刀塞下兒。輕身百戰曾。百勝壯心竟。未嫖姚知白。

草山頭白初沒黃沙戍下悲笳發蕭條靜夜邊風吹  
獨倚營門望秋月

郢州西樓吟

連山盡處水縈迴山上城門臨水開朱闌直下一百  
丈日暖遊鱗自相向昔人愛險閉層城今人愛開江  
復清劉云此等語有典有怨沙洲楓岫無來客草綠蒼紅山鳥  
鳴

朱放一首

早發龍且館舟中寄東海李司倉鄭司戶  
沙禽相呼曙色分漁浦鳴榔十里聞正當秋風度楚  
水百值遠道傷團群津頭却望後湖岫別處已隔東

山雲停艫目送北歸翼惜無瑤華持寄君

司空曙三首

迎神曲

吉日兮臨水沐青蘭兮白芷假山鬼兮請東皇託靈  
均兮邀帝子吹參差兮正苦舞婆娑兮未已鸞旌圓  
蓋望欲來山雨霏霏江浪起神旣降兮我獨知因成  
再拜爲陳辭

送神曲

神之去回風嫋嫋雲容與桂樽瑤席不復陳蒼山綠  
水暮愁人

殘鶯百轉歌

殘鷺一何怨百轉相尋續始辯下欲高稍分長復促  
綿蠻巧狀語機節終如曲野客賞應遲幽僧聞詎足  
禪齋深對夏陰清零落空餘三兩聲金谷箏中傳不  
似山陽笛裏寫難成憶昨亂啼無遠近晴宮曉色偏  
相引送暖初隨柳色來辭芳暗逐花枝盡歌殘鶯歌  
殘鶯悠然萬感生謝朓羈懷方一聽何郎閑味本多  
情乃知衆鳥非儔比莫噪晨鳴倦人耳共愛竒音那  
可親年年出谷待新春此時斷絕爲君惜昨日玄蟬  
催髮白

盧綸五首

宴席賦得姚美人搗箏歌

出簾仍有鈿箏隨見罷翻令恨識遲微收皓腕纏紅  
袖深過朱絃低翠眉忽然高張應疏節玉指迴旋若  
飛雪鳳簫韶管寂不喧繡幙紗牕儼秋月有時輕弄  
和郎歌慢處聲遲情更多已愁紅臉能佯醉又恐朱  
門嫌再過昭陽伴裏取聰明出到人間纔長成遙知  
禁曲難翻處猶自君王說小名

慈恩寺石磬歌

靈山石磬生海西海濤平處與山齊長眉老僧同佛  
力呪使鮫人往來得珠穴沉成綠浪痕天衣拂盡蒼  
苔色星漢徘徊天有風禪翁靜扣月明中群僊下雲  
龍出水鸞鶴交飛半空裏城精木魅不可聽落葉秋

砧一時起華宮杳杳響泠泠無數沙門昏夢醒古廊  
燈下見行道踈木池邊聞誦經徒壯洪鍾闕高閣萬  
金費盡工雕鑿豈如全質掛青松數葉殘雲一片峯  
吾師瑤之壽中國願同劫石無終極

送餞從叔辭豐州幕歸嵩陽舊居

白鬚宗孫侍坐時願持壽酒前致辭鄙辭何所擬請  
自邊城始邊城貴者李將軍戰鼓遙疑天上聞屯田  
布錦周千里牧馬攢花溢萬群白雲本是高松伴來  
繞青營復飛散三轂畫角咽不通萬里蓬根一時斷  
豐州聞說似涼州沙塞晴明部落稠行客已去依獨  
戎主人猶自在高樓夢親旌旆何由見每值清風一  
回面洞裏先生那惟遲人天無路自無期砂泉丹井  
非同味桂樹榆林不並枝吾翁致身殊得計地僊亦  
是三千歲莫着戎衣期上清東方曼倩逢人輕

冬日登城樓因贈程騰

生涯何事多羈束賴此登臨暢心目郭南郭北無數  
山萬井逶迤流水間彈琴對酒不知莫听憤題詩身  
自閑風聲肅肅鴈飛絕雲色茫茫欲成雪遙思海客  
天外歸坐想征人雨頭別世情多似風塵隔泣盡無  
因對籌策誰知白首牕下人不接朱門坐中客賤亦  
不足嘆貴亦不足陳長卿未遇楊朱泣蔡澤無媒原  
憲貧如今萬乘方用武國命天威借貔虎窮達皆為



身外名公俠可廢  
刀頭取君不見漢家邊  
將白羽三千出井陘  
當風看獵擁珠翠  
豈在終年窮一經

送張郎中還蜀歌

秦家御史漢家郎  
親專兩印征殊方  
功成走馬朝天  
子伏檻論兵若流水  
曉離僊署趨紫微  
夜接高儒讀  
清史瀘南五將望  
君還願以天書示  
百蠻曲棧重江  
初過雨前旌後騎  
不同山迎車拜舞  
多耆老舊卒新  
營遍青草塞口雲  
生火候遲烟中鶴  
唳君行早黃華  
川下水文橫遠映  
孤霞蜀國晴  
筠竹筍長料瘴起  
荔枝發杜鵑鳴  
回首岷峨半天黑  
傳觴接膝何由得

空令豪士仰威名  
無復貧女恃顏色  
垂楊不動雨紛紛  
錦帳胡瓶爭送君  
須臾醉起簫笳發  
空見雙旌入塞雲

李端三首

襄陽曲

襄陽堤路長  
草碧楊柳黃  
誰家女兒臨夜粧  
紅羅帳裏有燈光  
雀釵翠羽動  
明璫欲出不出  
脂粉香同居  
女伴正衣裳  
中庭寒月白  
如霜  
賈生十八稱才子  
空得門前一斷腸

胡騰兒

胡騰身是涼州兒  
肌膚如玉鼻如錐  
桐布輕衫前後

卷葡萄長帶一邊垂帳前跪作本音語拾襟攪袖為  
君舞安西舊牧收泪看洛下詞人抄曲與楊眉動目  
踏花羶紅汗交流珠帽偏醉脚東傾又西倒雙靴亦  
弱滿燈前環行急蹴皆應節反手又腰如却月絲桐  
忽奏一曲終嗚嗚畫角城頭發胡騰兒故鄉路斷以  
不知

贈康洽

黃鬚康兄酒泉客平生出入王侯宅今朝醉卧有明  
朝忽憶故鄉頭已白流年恍忽瞻西日陳事蒼茫指  
南陌聲名恒壓鮑參軍班位不過楊執戟邇來七十  
遂無機空是咸陽一布衣後輩輕肥賤衰朽五侯門

館許因依自言萬物有移改始信柴田變成海同時  
獻賦人皆盡共壁題詩君獨在步出東城風景和青  
山滿眼少年多漢家尚壯今則老髮短心長知奈何  
華堂舉杯白日晚龍鍾相見誰能免君今已及我正  
來朱顏宜咲能幾回借問朦朧花對下誰家畚鍤築  
高臺

戊昱 三首

客堂秋夕

隔窓螢影滅復流北風微雨虛堂秋虫聲竟夜引鄉  
淚蟋蟀何知人自愁四時不得一日樂以此方悲客  
遊惡寐寐江城無所聞梧桐葉上偏蕭索

贈別張駙馬

上元年中長安陌見君朝下欲歸宅飛龍騎馬三十  
匹玉勒雕鞍照初日數里衣香遙撲人長衢雨歇無  
纖塵從奴斜抱勅賜錦双双感出金麒麟天子愛婿  
皇后弟獨步明時負權勢一身危蹕承殊澤甲第朱  
門登高戟鳳凰樓上伴吹簫鸚鵡杯中醉留客泰去  
否來何足論宮車晏駕人事翻一朝負譴辭丹闕五  
年待罪湘江源冠冕淒涼幾遷改眼見桑田變成海  
華堂金屋別賜人細眼黃頭總何在清宮相見寸心  
悲懶欲今時問昔時看君風骨殊未歇不用愁來双  
淚垂

聽杜山人彈胡琴

綠琴胡笳誰妙彈山人杜陵董庭蘭董君少與山人  
友山人別來今已久當時海內求知音囑付胡琴在  
君手杜陵工琴四十年琴聲在音不在絃座中為我  
奏此曲滿堂蕭瑟如窮邊第一第二拍淚盡蛾眉沒  
番客更聞出塞入塞聲窮廬擅帳難為情胡天雨雪  
四時下五月不曾芳草生須臾促軫變宮徵一鼓悲  
兮一鼓喜南看漢月雙眼明却願胡兒寸心死回紇  
數年收洛陽洛陽士女皆驅將豈無父母與兄弟聞  
此哀情皆斷腸杜陵先生証此道沈家祝家皆絕倒  
如今世上風雅衰若箇深知此聲好世上愛爭不愛

琴則明此調難知音今朝促軫為君奏不向俗流傳  
此心

李益 五首

效古促促曲

為河上思婦作

促促何促促黃河九回曲嫁與棹船郎空牀將影宿  
不道君心不如石那令妾貌長如玉

野田行

日没出古城野田何茫茫寒狐嘯青塚鬼火燒白楊  
昔人未為泉下客行到此中曾斷腸

古別離

雙劍欲別風凄然雌沉水底雄上天江回漢轉兩不

見雲交雨合知何年古來萬事皆由命何用臨岐苦  
涕漣

輕薄篇

豪不必馳千騎雄不在垂雙鞬天生俊氣自相逐出  
與雕鷲同飛翻朝行九衢不得意下鞭走馬城西原  
忽聞燕鴈一轂去回鞍挾彈平陵園歸來青樓曲未  
卒美人玉色當金樽淮陰少年不相下酒酣半咲倚  
市門安知我有不平色白日欲暝紅塵昏死生容易  
如反掌得意失意由一言少年但飲莫相問此中報  
讎亦報恩

登夏州樓城觀征人賦得六州胡兒歌

六州胡兒六蕃語十歲騎羊逐沙鼠沙頭牧馬孤鴈  
飛漢軍遊騎貂錦衣雲中征戍三千里今日征行何  
歲歸無定河邊數株柳共送行人一杯酒胡兒起作  
和蕃歌齊唱嗚嗚盡垂手心知舊國西州遠西向胡  
天望鄉久回身忽作異方敵一敵回盡征人首蕃音  
虜曲直難分似說邊情向塞雲故國關山無限路風  
沙滿眼堪斷魂不見天邊青作塚古來愁殺漢昭君

朱灣二首

同清江師月夜聽堅正二上人爲懷州轉  
法華經歌

若耶溪畔雲門僧夜閑燕坐聽真乘蓮花祕偈藥草

一師身住口不住鑿井求泉會到源開門避火終  
迷路前心後心皆此心梵音妙音柔軟音清冷霜磬  
有時動窸歷空堂宜夜深向來不寐何所得一念纔  
生有慮息風翻亂葉林有聲雪映閑庭月無色玄關  
密跡難可思醒人悟兮醉人疑衣中繫寶覺者誰臨  
川內史字得之

寒城曉角 滑州作

高臺高高畫角雄五更初發寒城中寒城北臨大河  
水淇門賊烽隔岼是長風送過黎陽川我軍氣雄賊  
心死羈人此夜寐不成萬里邊情枕上生乍似隴頭  
成寒泉幽咽流不住又如巴江頭啼後帶雨斷續愁

勿憶嫖姚北征伐空山宿兵寒對月一鼓老將起三  
夫行人發冀馬為之嘶朔雲為之結二十年来天下  
兵到處不曾無此聲洛陽陌長安路角聲朝朝角聲  
暮平居聞之尚難度何況天山征戍見雲中下營雪  
裏吹

顧況 四首

日晚歌

日宵宵兮下山望佳人兮不還花落兮屋上草生兮  
階間日日兮春風芳菲兮欲歇老不可兮更少君胡  
為兮輕別

行路難

君不見少年頭上如雲髮少壯如雲老如雪豈知灌  
頂有醍醐能使清涼頭不熱呂梁之水桂飛流鼃鼃  
蛟蜃不敢遊少年恃險若平地獨倚長劔凌清秋行  
路難行路難昔少年今已老前朝竹帛事皆空日暮  
牛羊古城草

短歌

新繫青絲百尺繩心在君家轆轤上我心皎潔君不  
知轆轤一轉一惆悵何處春風吹曉幕江南綠水通  
朱閣美人二八顏如花泣向春風畏花落臨春風聽  
春鳥別時多見時少愁人一夜不得眠瑤井玉繩相  
對曉

董草春

隴西李迅者納別宅監奴出迅不喜欲訪故人爲  
刺史強而配焉旣歸而不合監奴投井而死因作  
董草春歌以悲之

董草春香容與江南艷歌京西舞執心輕子都信節  
寇秋胡議以腰支嫁時論自有夫蟬鬢蛾眉明井底  
燕裙趙袂紫韉韉李生聞之淚如綆不忍回頭看此  
井月中桂樹落一枝池上鷓鴣唳孤影露桃穠李自  
成蹊流水終天不向西翠帳綠窗寒寂寂錦茵羅薦  
夜淒淒董草春丹井遠別後相思意深淺

馮著一首

洛陽道

洛陽宮中花柳春洛陽道上無行人皮裘羶帳不相  
識萬戶千門閉春色春色深春色深君王一去何時  
尋春雨洒春雨洒周南一望堪淚下蓬萊殿中寢胡  
人鷓鴣樓前放胡馬聞君欲行西入秦君行不用過  
天津天津橋上多胡塵洛陽道上愁殺人

劉商一首

雜言同豆盧郎中郭南七里橋哀悼姚倉

曹

橋邊足離別終日為悲辛登橋因嘆逝却羨別離人  
橋下東流水芳樹櫻桃蓋流水與潮回花落明年開

可憐三語掾長作九泉灰宿昔歡遊在何處花前飲  
足求僊去劉云詞意良苦

楊衡四首

長門怨

絲轂繁芳管聲急珠簾不卷風吹入萬遍凝愁枕上  
聽千迴俟命花間立望望昭陽信不來迴眸獨掩紅  
巾泣

白紵詞

玉纓翠珮雜輕羅香汗微漬朱顏酡為君起唱白紵  
歌清聲裊雲田繁多凝笳哀瑟時相和金壺半傾芳  
夜促梁塵霏霏暗紅燭令君安坐聽終曲墜葉飄

難再復

又

躡珠履步瓊筵輕身起舞紅燭前芳姿艷態妖且妍  
回眸轉袖暗催絃涼風蕭蕭漏水急月華泛艷紅蓮  
濕牽裙攬帶翻成泣

哭李象

白鷄黃犬不將去寂寞空餘葬時路劉云赴語如有失草死  
花開年復年後人知是何人墓憶君思君獨不眠夜  
寒月照青楓樹

朱長文一首

春眺揚州西上岡寄徐負外



蕪城西眺極滄流  
漠漠春烟間對樓  
瓜步早潮吞建業  
蒜山晴雪照揚州  
隋家故事不能問  
鶴在僊池期我遊

戴叔倫二首

柳巷歌送客往桂陽

滄浪渡頭柳花發  
斷續日風飛不絕  
搖烟拂水積翠間  
綴雪含霜誰忍攀  
夾岸紛紛送君去  
鳴棹孤尋到何處  
移家深入桂水源  
種柳新成花更繁  
定知別後消散盡  
却憶今朝傷旅魂

女畊田行

乳燕入巢笄成竹  
誰家二女種新穀  
無人無牛不及犁  
持刀斫地翻作泥  
自言家貧母年老  
長兄從軍未娶嫂  
去年久殺牛固空  
截絹買刀都市中  
頭巾掩面畏人識  
以刀代牛誰與同  
姊妹相携心正苦  
不見路人唯見土  
踈通畦隴防亂苗  
整頓溝塍待時雨  
日正南岡下餉歸  
可憐朝雉擾驚飛  
東鄰西舍花發盡  
共惜餘芳泪滿衣

長孫佐輔一首

南中客舍對雨送故人

猿聲啾啾鴈聲苦  
卷簾相對愁不語  
幾年客吳君在楚  
况送君歸我猶阻  
家書作得不忍封  
北風吹斷塔前雨

唐詩品彙卷之三十三

唐詩品彙卷之三十四

七言古詩

正變上

王建 二十九首

望夫石

望夫處江悠悠化為石不回頭山頭日日風和雨行人歸來石應語

遠將歸

遠將歸勝未別離時在家相見熟新歸歡不足去願車輪遲迴思馬蹄速但令在家相對貧莫向天涯金繞身

